



问曰：若诸烦恼及业无性不实，今果报身现有应是实。

答曰：

234

诸烦恼及业，是说身因缘，

烦恼诸业空，何况于诸身！¹

诸贤圣²说：烦恼及业是身因缘。是中爱能润生，业能生上、中、下，好丑、贵贱等果报。今诸烦恼及业，种种推求无有决定，何况诸身有决定果！随因缘故。³

问曰：汝虽种种因缘破业及果报，而经说：“有起业者，起业者有故，有业、有果报。”

如说：

¹ 一、《般若灯论释·观业品》云：

说业及烦恼，而为诸身因，
业烦恼自空，身从何所有？

二、《大乘中观释论·观业品》云：

若说业烦恼，以为身因者，
业烦恼自空，身因复何有？

² 诸贤圣：谓诸佛、菩萨、辟支佛、阿罗汉等是诸贤圣人辈。

³ 今诸烦恼及业，种种推求无有决定，何况诸身有决定果！随因缘故：

一、《教王宝鬘论·别说因果品》云：

我执生诸蕴，我执实虚妄，
虚妄之种子，所生岂能真？

二、《宝行王正论·安乐解脱品》云：

诸阴我执生，我执由义虚，
若种子不实，芽等云何真？





中论释



235

无明之所蔽，爱结之所缚，
而于本作者，不异亦不一。⁴

《无始经》中说：“众生为无明所覆，爱结所缚，于无始生死中，往来受种种苦乐。”今受者于先作者，不即是亦不异。若即是，人作罪受牛形，则人不作牛，牛不作人。若异，则失业、果报，堕于无因；无因则断灭。是故受者于先作者，不即是亦不异⁵。

答曰：

236 237

业不从缘生，不从非缘生，
是故则无有，能起于业者。⁶

⁴ 一、《般若灯论释·观业品》云：

为无明所覆，为爱结所系，
而于本作者，不一亦不异。

二、《大乘中观释论·观业品》云：

众生无明覆，爱结所萦缠，
作作者受者，不一亦不异。

⁵ 《中论·观法品》云：

若法从缘生，不即不异因，
是故名实相，不断亦不常。

⁶ 一、《般若灯论释·观业品》云：





无业无作者，何有业生果？

若其无有果，何有受果者？⁷

若无业、无作业者，何有从业生果报？若无果报，云何有受果报者？业有三种⁸，五阴中假名人是作者，是业于善恶处生名为果报。

若起业者尚无⁹，何况有业、有果报及受果报者？

业不从缘生，不从非缘生，
以业无自体，亦无起业者。

二、《大乘中观释论·观业品》云：

业不从缘生，不从非缘生，
见有业相违，是故无作者。

⁷ 一、《般若灯论释·观业品》云：

无业无作者，何有业生果？
既无有此果，何有受果者？

二、《大乘中观释论·观业品》云：

无作者作业，何有业生果？
既无实有业，受者当何有？

⁸ 业有三种：《般若灯论释·观业品》云：“业有三种：一、谓业，二、谓果报，三、谓受果者。”

⁹ 若起业者尚无：此中起业者谓缘、非缘。此义于《中论青目释·观因缘品》中曾已说讫。如遮因缘，从缘生业，从非缘生业亦应类遮。

如《中论青目释·观因缘品》云：

[答曰：

果为从缘生，为从非缘生？
是缘为有果，是缘为无果？

若谓有果，是果为从缘生，为从非缘生？若谓有缘，是缘为有果、为无果？二俱不然。何以故？

因是法生果，是法名为缘；
若是果未生，何不名非缘？

诸缘无决定。何以故？若果未生，是时不名为缘；但眼见从缘生果，故名之为缘。缘成由于果，以果后缘先故。若未有果，何得名为缘？如瓶以水土和合故有瓶生，见瓶故知水土等是瓶缘。若瓶未生时，何以不名水土等为非缘？是故果不从缘生，缘尚不生，何况非缘？]





问曰：汝虽种种破业、果报及起业者，而今现见众生作业受果报，是事云何？

答曰：

238 239 240

如世尊神通，所作变化人；

如是变化人，复变作化人。¹⁰

如初变化人，是名为作者；

变化人所作，是则名为业。¹¹

诸烦恼及业，作者及果报，

皆如幻与梦，如焰亦如响。¹²

¹⁰ 一、《般若灯论释·观业品》云：

如佛神通力，现作化佛身，
于是须臾间，化身复起化。

二、《大乘中观释论·观业品》云：

如佛神力化，化成具足相，
是化复起化，初化名化者。

¹¹ 一、《般若灯论释·观业品》云：

此初化身佛，而名为作者，
化佛之所作，是即名为业。

二、《大乘中观释论·观业品》云：

诸法如化相，作作者无作，
说作者等体，皆云何可有？

¹² 一、《般若灯论释·观业品》云：

业烦恼亦尔，作者及果报，
如乾闥婆城，如幻亦如焰。

二、《大乘中观释论·观业品》云：





如佛神通力所作化人，是化人复化作化人¹³。

如化人无有实事，但可眼见，又化人口业说法、身业布施等，是业虽无实而可眼见；如是生死身、作者及业，亦应如是知。

烦恼者名为三毒。分别有九十八使¹⁴、九结¹⁵、十缠¹⁶、六垢¹⁷等无量诸烦恼。业名为身、口、意业。今世、后世分别有善、不善、无记，苦报、乐报、不苦不乐报，现报业、生报业、后报业。如是等无量。作者名为能起诸烦恼、业，能受果报者。果报

诸法无有体，如乾闥婆城，
烦恼业及身，作者果亦然。

¹³ 《摩诃般若波罗蜜经·问住品》云：

[须菩提语诸天子：“汝等法应不知我无所论说，乃至我不说一字亦无听者。何以故？诸字非般若波罗蜜，般若波罗蜜中无听者，诸佛阿耨多罗三藐三菩提无字无说。诸天子！

如佛化作化人，是化人复化作四部众——比丘、比丘尼、优婆塞、优婆夷——化人于四部众中说法。于汝意云何？是中有说者、有听者、有知者不？”

诸天子言：“不也，大德！”

须菩提言：“一切法皆如化，此中无说者、无听者、无知者。”]

¹⁴ 九十八使：亦名九十八使。烦恼之异名也。常随逐于人，故谓之随。其状体幽微难知，如眠性，故谓之眠。此为贪，瞋，痴，慢，疑，身，边，邪，取，戒之十随眠，配于三界五部者。即欲界见苦所断十种，见集及见灭所断七种（除身、边、戒），见道所断八种（除身、边），并欲界修所断四种（贪、瞋、痴、慢），合之欲界有三十六种。色、无色无瞋，故于五部减之，各有三十一一种。故为九十八种。盖见惑八十八使，加修惑之十随眠也。出于阿毘达磨发智论五，大毘婆沙论四十六，俱舍论十九等。

¹⁵ 九结：结缚众生使不出生死之烦恼，有九种也。一、爱，二、恚，三、慢，四、无明，五、见，六、取，七、疑，八、嫉，九、悭是也。

¹⁶ 十缠：一、无惭，二、无愧，三、嫉，四、悭，五、悔，六、睡眠，七、掉举，八、昏沉，九、嗔忿，十、覆。

¹⁷ 六垢：污秽真心之六法也。即诳、谄、骄、恼、恨、害之六惑。





中论释



名从善恶业生无记五阴。如是等诸业皆空无性，如幻、如梦、如响、如焰。

